

RAVALO TANY VATOVAVY SY AMORON'I MANIA

« Miverena fa mijaly izahay vahoaka Prezidà »

Tontosy omaly sy ny talata teo ny kongresim-parity ny antoko Tiako i Madagasikara (TIM) tany amin'ny faritra Vatovavy sy tany amin'ny faritra Amoron' i Mania. Na tany Mananjary, na tao Ambositra, azo lazaina ho fahombiazana izany kongresim-parity ny antoko najoron'ny filoha Marc Ravalomanana izany, satria feno foana ny toerana nanaovana izany, na ny tao anatiny, na ny tany ivelany. Ombienny ombienny, teny naverin'ireo mpizaiuka ny hoe : « miverena ianao Prezidà fa mijaly izahay vahoaka, mirotsaha hofidiana indray ianao Prezidà, hanavotra ny vahoaka sy ny firenena ! »



Ny filoha Ravalomanana tany Mananjary ny talata teo.

Toy izany koa tamin'ny lalany nandalovany tamin'ny RN25 sy ny RN7 avy any Mananjary nihazo an'Ambo-sitra dia samy niantso an'i Dada avokoa hiverina hirotsaka hofidiana, ka hitondra ny firenena indray. Na tany Manakara, na tany Farafangana, na tany Vangaindrano, na tany Mananjary, na tao Ambositra dia nahazo tsodrano tamin'ireo Ampanjaka sy Ray amn-dreny tany an-toerana ny filoha nasionalin'ny antoko TIM. Nambaran'ny filoha Ravalomanana nandritra izany fa : "manana ny lanjany sy ny hasiny ny Tranobe, ny Ray

aman-dReny : Ampanjaka sy Zanaka mifampatoky, antoky ny fampandrosoana ny faritra. Ny andro sisa iainako dia hatokako hanavotako ny Firenena satria efa nomen' Andriamanitra tombon'andro Aho. Koa andeha isika hiara-dia ho amin' izany, tena reko ny antsoantso sy fitarainanareo," hoy izy. Ny sabotsy izao, Antsirabe indray, no handray ny kongresim-parity ny TIM Vakinankaratra.

Isambilo

Zaza Ramandimbiarison

Frantsay i Andry Rajoelina, Madagasikara toky ho an'ny Malagasy

Nivoaka tamin'ny gazetimpanjakana Frantsay tamin'ny taona 2014, fa mizaka ny zom-pirenena Frantsay ny filoha Andry Rajoelina 5 mianaka. Naneho ny heviny mahakasika an'izany ny mpanao politika, sady Praministra lefitra teo aloha Zaza Ramandimbiarison. Frantsay i Andry Rajoelina hoy izy, Madagasikara tokony ho an'ny Malagasy, ho an'ny Malagasy tena tia ny Tanindrazana Malala sady Masina ity :

drazana. Aza mety badoina amin'ny lainga tsara lahatra. Ampy izay ny fampiesonana nandritra ny taona maro. Miantso ireo rehetra mpampiatra ny lalàna velona eto amin'ity Tanindrazana iombonana ity, mba hampihàtra marina ny lalàna mifanandrify amin'izao zava-doza izao» hoy ny fanambarana.

Nangonin'i Niaina

Table with 2 columns: Name and Nationality. Includes names like QJOC (Hao Chang), RABARY (Alain Michel), RADISAVILJIEV (Milan), RAHERIVELO (Haingonalima), RAHMOLINE (Mounir), RAJAH (Sissou), RAJIB (Mohamed El Mehdi), RAJOELINA (Andry Nirina), RAJOELINA (Irena Andriany), RAJOELINA RAZAKANDISA (Arenia Fanambintsoa), RAJOELINA (Eliane), RAKOTONANAHARY (Malala Christina).

Ilay gazetimpanjakana Frantsay nivoahan'ny maha-Frantsay an-dRajoelina 5 mianaka.

EPP Ambohitrolomahitsy

Mampisakafo mpianatra 240 mandritra ny 7 herinandro i Jean Bosco

Mitohy ny asa sosialy ho an'ny ankizy sy ny tanora ary ho an'ny fiangonana, amin'izao ankatoky ny fetim-pirenena : 26 jona izao, ataon'i Randriamparany Jean Bosco, mpan-draharaha ara-toekarena, sady filohan'ny Tanora TIM any Ambohitrolomahitsy distrikan'i Manjakandriana faritra Analaman-ga. Nambaran'ny tafa-resaka tamin'ny mpanao gazetiny ny gazety Ny Valosoa Vaovao fa : amin'ny maha volan'ny ankizy ny volana jona, sady hankalazana koa ny fetim-pirenena, misy ny cantine scolaire, na fampisakafoana an-tsekoly taony ho an'ny mpianatra sy mpampianatra amin'ny EPP miisa 3 ao Ambohitro-



Randriamparany Jean Bosco, tanora mpan-draharaha sady mpanao politika.

mahitsy, izany dia tanterahana mandritra ny 7 herinandro. Vary sy laoka no omena ireo mpianatra sy mpampianatra miisa 240 eo. Mbola hisy atsy ho atsy ny fampisakafoana ny mpianatra sy mpampianatra amin'ny EPP hafa any an-toerana. Efa ho avy ihany koa ny vakansin'ny mpianatra afaka andro vitsy, ireo mpianatra voalohany, sy faharoa ary fahatelo amin'ny EPP any Ambohitrolomahitsy dia ho toloran-dRandriamparany Jean Bosco fanomezana

Ny Valosoa sy fakafaka Hafa ny an'ny fitondrana ny antsoiny ho fahombiazana

Ao anatin'izao fitondrana izao, ny zavatra na asa tsy tomombana an-tsakany sy an-davany ary tsy tratra tanteraka amin'ny tokony ho izy, dia ambarany hatrany ho fahombiazana. Amin'ny hafa anefa izany dia tsy fahombiazana mihitsy. Nanamarika izany, ny nambaran'ny filohan'ny Ceni ny talata lasa teo. Raha tany amin'ny manodidina ny 13 tapitrisa no nokendrena hotratrarina sy heverina ho voasoratra tafiditra ao anaty lisi-pifidianana, nambara tamin'ny fomba ofisialy hofantatry ny besinimaro izany, dia ny nambarany eo amin'ny 10 tapitrisa mahery eo no vita. Avy dia mandeha ny saina hoe nahoana no nofaritana ny hotratrarina kanefa hafa indray no nambara ho fahombiazana aty aoriana ? Asa raha hahatratra 11 tapitrisa aza izany, satria mbola nampiana andro vitsy ho an'ireo vaovao tsy mbola voasoratra anarana hatramin'izay.

Ity resaka fifidianana ity, dia tsy milamina raha feh-zina sy tsorina ny zava-misy. Anisan'ny misongadina ny tsy fitokisana ny amin'ny fangaharahan'ny fifidianana hotanterahina eo, ary nanamafy izany sy manitrikitrika izany mandrakariva ny avy amin'ny fanoherana. Nambarany aza fa hisy ny hetsika iraisana hotanterahiny tsy ho ela. Nazava sy tsotra ihany koa ny nambaran'ny avy amin'ny antoko Tim, fa tsy maintsy ovaina na soloina ny mpikambana eo anivon'ny Ceni sy ny Hcc raha tiana hangarahara sy hadio marina ary eken'ny rehetra ny fifidianana sy ny vokany. Minia mangina sy tsy hita ho mitondra fanazavana momba izany mihitsy anefa ny avy amin'ny fitondrana, ka mazava loatra raha mitoetra ny tsy fifampitokisana sy ny ahiahy tsy ihavanana. Tsy maintsy hisy fiantraikany amin'ny fifidianana izay hoavy eo anefa izany, raha toa ka miziriziry tsy mihaino ny fitondrana ary minia tsy hifampiresaka amin'ny rehetra. Izay ve no kendrena sy tiana hahatantanga? Mbola ho tantara mitohy ity resaka fifidianana ity.

Sôh'son

amin'ny fiakaran'ny taom-pianarana 2022- 2023 izao. Eo amin'ny fikarakarana tanora, efa natao ary mbo-lana tohizana hoy izy ny « tournoi » fanatanjahan-tena baolina kitra isampokontany ho an'ny tanora lahy sy vavy, avy amin'ireo fokontany miisa 20 any amin'ny kaominina Ambohitrolomahitsy. Samy manana ny ekipany avy ny isampokontany, saingy misy ny manana tarika 3 na 4 na mihoatra, arakaraky ny isan'ny mpoina amin'ireny fokontany ireny, ary efa nisy ny nahavita famaranana tamin'ny fifaninanana baolina kitra tamin'ireny fokontany ireny, efa notolorana loka ondry, mbola ho avy koa amin'izao iandrasana ny 26 jona izao ny « tournoi » amboara na coupe omby. Mahatratra hatramin'ny 30 ireo ekipa isampokontany mandray anjara amin'ireo fifaninanana atao. Manampy ireo fiangonana any Ambohitrolomahitsy ihany koa ity tanora mpan-draharaha mpanao politika ity, fiangonana miisa 3 nila fanohanana no efa nampiany ary nambarany, fa tsy anavahana fiangonana ny fanampiana izay ataony. Ho an'ireo tantsaha olondhibe, nambara Randriamparany Jean Bosco, fa ho avy ihany koa ato ho ato, ny fanofanana momba ny fambolena sy ny fiompiana homena azy ireo.

Isambilo